

**IV. OPOSICIÓN E CONCURSOS****SERVIZO GALEGO DE SAÚDE**

*RESOLUCIÓN do 11 de marzo de 2021, da Dirección Xeral de Recursos Humanos, pola que se declaran, con carácter provisional, as persoas aspirantes admitidas e excluídas e as exentas e non exentas do exercicio de lingua galega e se nomea o tribunal cualificador do concurso-oposición para o ingreso na categoría de médico/a de admisión e documentación clínica, convocado pola Resolución do 13 de decembro de 2019.*

Mediante Resolución desta dirección xeral do 13 de decembro de 2019 (*Diario Oficial de Galicia* núm. 246, do 27 de decembro), modificada por Resolución do 21 de decembro de 2020 (*Diario Oficial de Galicia* núm. 256, do 22 de decembro) convocouse concurso-oposición para o ingreso na categoría de médico/a de admisión e documentación clínica.

A base 6.1 desta resolución establece que, expirado o prazo de presentación de solicitudes, a Dirección Xeral de Recursos Humanos do Servizo Galego de Saúde publicará no *Diario Oficial de Galicia* a resolución pola que se declaren con carácter provisional os/as aspirantes admitidos/as e excluídos/as, co motivo da exclusión, así como os/as aspirantes exentos/as e non exentos/as da realización do exercicio acreditativo do coñecemento de lingua galega.

Na súa base sétima dispónse que o tribunal cualificador do concurso-oposición será nomeado pola autoridade convocante cunha antelación mínima dun mes á data de realización das probas, publicándose para este efecto a oportuna resolución no *Diario Oficial de Galicia*.

De conformidade coas anteditas bases, esta dirección xeral, como órgano convocante do proceso,

**RESOLVE**

Primeiro. Declarar, con carácter provisional, os/as aspirantes admitidos/as e excluídos/as, así como os/as exentos/as e non exentos/as da realización do exercicio de lingua galega no concurso-oposición para o ingreso na categoría de médico/a de admisión e documentación clínica, convocado pola Resolución do 13 de decembro de 2019, modificada pola Resolución do 21 de decembro de 2020.



As listas coa relación provisional de admitidos/as e excluídos/as, con indicación do motivo de exclusión, e os/as declarados/as exentos/as e non exentos/as da realización do exercicio de lingua galega, poderán examinarse na páxina web do Servizo Galego de Saúde ([www.sergas.es](http://www.sergas.es)).

Ademais, o estado de cada solicitude pode ser consultado polo/a solicitante no seu expediente electrónico persoal en Fides/expedient-e/sección de procesos.

As persoas aspirantes excluídas e as declaradas non exentas da realización do exercicio de galego disporán dun prazo de dez días hábiles, contados a partir do día seguinte ao da publicación desta resolución no *Diario Oficial de Galicia* para poder emendar, de ser o caso, o defecto que motivou a súa exclusión e/ou a declaración de non exento/a da realización de tal exercicio, mediante escrito dirixido á mesma unidade de validación á que se dirixiu a instancia de participación, que deberá presentarse nun rexistro administrativo ou a través de calquera dos procedementos dispoñibles do artigo 16.4 da Lei 39/2015, do 1 de outubro, do procedemento administrativo común das administracións públicas.

Disporán do mesmo prazo de reclamación as persoas que, tendo presentado debidamente a solicitude de participación no proceso, non consten como admitidas nin excluídas na relación publicada.

A estimación ou a desestimación das solicitudes de emenda entenderase implícita na resolución pola que se aprobe, con carácter definitivo, a relación de admitidos/as e excluídos/as e de exentos/as e non exentos/as do exercicio acreditativo do coñecemento da lingua galega, que se publicará no *Diario Oficial de Galicia*.

Segundo. Nomear, con efectos desde o día da súa publicación no *Diario Oficial de Galicia*, os membros do tribunal, titulares e suplentes, que xulgarán o proceso selectivo e que se relacionan no anexo desta resolución.

Terceiro. Declarar de aplicación a este proceso as normas de funcionamento e actuación dos tribunais e do persoal colaborador, negociadas e aprobadas na Mesa Sectorial de Sanidade así como o Protocolo de medidas de seguridade e organizativas no desenvolvemento dos procesos selectivos do Servizo Galego de Saúde fronte á pandemia COVID-19 autorizado pola Dirección Xeral de Saúde Pública da Consellería de Sanidade, publicados ambos os documentos á disposición das persoas interesadas na páxina web do Servizo Galego de Saúde ([www.sergas.es](http://www.sergas.es)).

Santiago de Compostela, 11 de marzo de 2021

Ana M<sup>a</sup> Comesaña Álvarez  
Directora xeral de Recursos Humanos



## ANEXO

Médico/a de Admisión e Documentación Clínica			
Presidenta titular	Díaz Terciado, M <sup>a</sup> del Mar	Persoal estatutario licenciado sanitario	Médico/a de Admisión e Documentación Clínica
Secretario titular	López Suárez, Alberto	Persoal estatutario de xestión e servizos	Grupo Técnico da Función Administrativa
Vogal titular	Bravo Ricoy, José Antonio	Persoal estatutario licenciado sanitario	Médico/a de Admisión e Documentación Clínica
Vogal titular	Castro Calvo, Ramón Miguel	Persoal estatutario licenciado sanitario	Médico/a de Admisión e Documentación Clínica
Vogal titular	Soto Herrero, M <sup>a</sup> Trinidad	Persoal estatutario licenciado sanitario	Médico/a de Admisión e Documentación Clínica
Presidenta suplente	Casal Rodríguez, Esther	Persoal estatutario licenciado sanitario	Médico/a de Admisión e Documentación Clínica
Secretario suplente	Díaz López, Manuel	Funcionario do corpo superior de Administración da Xunta de Galicia	
Vogal suplente	Castro Villares, Manuel Luis	Persoal estatutario licenciado sanitario	Médico/a de Admisión e Documentación Clínica
Vogal suplente	Fondevila López, Amparo	Persoal estatutario licenciado sanitario	Médico/a de Admisión e Documentación Clínica
Vogal suplente	Rodríguez Fouz, Coral	Persoal estatutario licenciado sanitario	Médico/a de Admisión e Documentación Clínica

